

ուով, որ հայե՛ր եմ եւ ոչ վրացիներ»:

Ի՞նչ «աննշան» պատճառ: Հապա, դուք, ամէն կարգի Օրթօնիկիձէներ, փորձ արէք համոզելու Թիֆլիս քաղաքի ու դաւառի (չասելու համար՝ Կախէթի) վրացի բնակչութեանը, միանալու Հայաստանին — շատ աւելի մեծ իրաւունքով, քան դուք ջաւախեցիին էք պահում: Վրաստանի սահմաններում. չէ՞ որ Թիֆլիս քաղաքում եւ դաւառում հայ տարրը բաղդատական մեծամասնութիւն է կազմում, աւելի, քան վրացիները: Ենթադրենք մի բողոք, որ դուք ցուցահանեցիք այդպիսի համարձակութիւն: Փորձեցէ՛ք հապա, մերժման դէպքում (որ անկասկածելի էր ի հարկէ) ձեր աննշան տրամաբանութեամբ չարտել նրանց երեսին.

«Պայթակղելի է միանդամայն, որ Սորհրդային հանրապետութեան (չէ՞ որ Հայաստանն էլ այդպիսին է) քաղաքացի չեն ուզում դառնալ միայն այն պատճառով, որ վրացիները են, եւ ոչ հայեր»:

Ի հարկէ, ոչ թէ իրականութեան, այլ երազի մէջ անգամ չէիք յղանայ նման յանցարար միտք:

Օրթօնիկիձէն մէկ կողմը. ի՞նչ վերաբերմունք է ցոյց տուել ազգակից ջաւախեցու պահանջի հանդէպ Սորհրդային Հայաստանի կառավարութիւնը:

Ահա թէ ի՞նչ է ասել, մօտաւորապէս, Հայաստանի այն ժամանակուայ վարչապետ Համբարձումեանը. նա, որ դեռ համարում է «ազգայնական» եւ իր այդ «մեղքի» համար էլ աթոռազուրկ է դարձել Մոսկուայի ու Թիֆլիսի հրամանով:

«Վե՛ր կացէք եւ գնացէք (չասելու համար՝ կորէ՛ք) ձեր տները. կոմունիստ կուսակցութիւնը (փոխանակ ուղղակի ասելու՝ Մոսկուան) գիտէ՛, թէ ո՛ւմ եւ ե՛րբ պէտք է տալ ինքնավարութիւն»:

Ահա իմաստը այն սաստիչ խօսքի, որ բուլշեւիկներին հայ մարդկանը նետել է Ջաւախքի հայ գիւղացիութեան երեսին:

Այժմ դէ բաղդատեցէք իրար հետ այդ երկու բուլշեւիկներին — վրացի Օրթօնիկիձէին եւ հայ Համբարձումեանին: Բայց մի՞ թէ բաղդատել կարելի է անբաղդատելի մեծութիւնները:

Թո՛ղ Ախալքալաքը շարունակի մնալ տրնտեսապէս ամենախեղճ դաւառը Վրաստանի, թող նա մշակութապէս լինի ամենայետինը, թող այնտեղ շատ աւելի պակաս դպրոցներ բացուին ու պահուին, քան Վրաստանի ռեէ դաւառում, թող վրացի չինովիկները «կառավարեն» հայկական Ջաւախքը. աւելին դեռ. Թո՛ղ նոյն արդ չինովիկները հողաբաժանութիւնը այնտեղ կատարեն աշտու կերպով — այն աստիճան, որ վրացի Օրթօնիկիձէներն անգամ ուրանալ չկարենան այդ, — թո՛ղ զրկեն ջաւախեցի հային ու նախապատուութիւն տան վրացուն, — ո՞ւմ հոգն է այդ ամէնը: Ստալիններին եւ Օրթօնիկիձէներին՝ թէ՞ նրանց հայաբարբառ թութակների: Չէ՞ որ, վերջ ի վերջոյ, բուլշեւիկ վրացիներն եւս նոյն հիմնական նպատակին են ձգտում, ինչ որ մենշեւիկները եւ աջակողմեանները — հողային, մշակութային, եւ վարչական այնպիսի քաղաքականութիւն վարելով Ջաւախքում, որ վերջինս երազում իսկ մոտանայ Հայաստանին միանալու մտաւորը: Չէ՞ որ Վրաստանին պէտք է Ախալքալաքի հացը, վրացի խաչնարածին էլ՝ նրա սեղանէտ արօտները: Եւ յետոյ՝ Վրաստանի բնակչութեան աւելցուկին հո՛ղ է պէտք. ուրեմն հողային Փնդ կարելի է եւ պէտք է ստեղծել Ջաւախքում: Կրկնակի նպատակով. մէկ՝ տեղացի հային անտեսապէս խեղճ ու ստնելու նկատմամբ — գուցէ թէ դա պատճառ լինի, որ նա ստիպուած լինի գաղթելու. մէկ էլ նրա համար, որ Ջաւախքում վրացի տարրը ուժեղանայ, որով եւ ինքնին ու վերջնապէս «լուծուի» Ախալքալաքի խրնգիւրը:

Վրացի վարիչներից շատերը չեն էլ ծածկում, երբեմնապէս բացառապէս ասելու իրենց այդ միտքը — Ջաւախքը պէտք է իրենց եւ իրենց խաչների համար, նա պէտք է վրացական դադթարնակեցման (կօլոնիզացիա) համար:

Ջաւախքի հայութիւնը կը գտնի, ի հարկէ, այդ ամէնի դիմադրաւելու միջոցը: Նրա եւ առհասարակ ամբողջ հայութեան, անօրինակ աճեցումը կարճ ժամանակուայ ընթացքում յօդս կը ցնդեցնէ վրաց կօլօնոզիտարական ծրագիրները: Եւ յետոյ, զարգացնելով իր